



# ლანჩხუთის მუნიციპალიტეტის საკრებულო



წერილის ნომერი: 31-31223046  
თარიღი: 31/10/2022

ადრესატი:

ბესიკ ტაბიძე  
ლანჩხუთის მუნიციპალიტეტის საკრებულო-საკრებულოს თავმჯდომარე

ლანჩხუთის მუნიციპალიტეტის საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილის ნინო მშვიდლობაძის 2021 წლის 3 დეკემბრიდან დღეის მდგომარეობით გაწეული მუშაობის შესახებ ანგარიშის წარდგენის

ოქმი

მუნიციპალიტეტის დასახელება: ლანჩხუთის მუნიციპალიტეტი

ადმინისტრაციული ერთეული: გვიმბალაური

შესვედრის ჩატარების თარიღი: 27. 10. 2022 წელი 14:00 საათი

შესვედრას ესწრებოდნენ: საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე ნინო მშვიდლობაძე, საკრებულოს თავმჯდომარე ბესიკ ტაბიძე, საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე ლოლიტა ურუშაძე, საკრებულოს აპარატის მესამე რანგის პირველი კატეგორიის უფროსი სპეციალისტი ნუნუ სულაკაძე, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში ლაშა სარჯველაძე.

საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე ნინო მშვიდლობაძე შეხვდა გვიმბალაურის ადმინისტრაციული ერთეულის მოსახლეობას. ანგარიშის წარდგენამდე ის მიესალმა დამსწრე საზოგადოებას და მადლობა გადაუხადა ადგილობრივ მოსახლეობას, რომ გამონახეს დრო მასთან შესახვედრად. ამის შემდეგ აღნიშნა, რომ მიმდინარეობს საკრებულოს რეგლამენტით გათვალისწინებული ერთ-ერთი საპასუხისმგებლო ეტაპი - საკრებულოს წევრების მიერ წლის განმავლობაში გაწეული მუშაობის ანგარიშის ჩატარება.

საქართველოს ორგანული კანონის „ადგილობრივი თვითმმართველობის კოდექსის“ 88-ე მუხლის თანახმად საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილემ ნინო მშვიდლობაძემ წარმოადგინა 2021 წლის 3 დეკემბრიდან დღემდე მის მიერ გაწეული მუშაობის შესახებ ანგარიში. მან აღნიშნა, რომ უფლებამოსილებას შეუდგა 2021 წ. 4 დეკემბერს. არის ფრაქცია „ქართული ოცნება - დემოკრატიული საქართველოს“ თავმჯდომარის მოადგილე. ასევე, საკრებულოს იურიდიულ საკითხთა და ეთიკის და საკრებულოს სოციალურ საკითხთა, განათლების, კულტურის და ახალგაზრდულ საქმეთა კომისიების წევრი. ასევე, საკრებულოს გენდერული თანასწორობის საბჭოს და „ქართული ოცნება -

დემოკრატიული საქართველოს“ ქალთა ორგანიზაციის ლანჩხუთის საბჭოს წევრი. ის აქტიურადაა ჩართული საკრებულოს კომისიების და ფრაქციის მუშაობაში, რომელთა სხდომებზე ინტენსიურად აყენებს როგორც გვიმბალაურის ადმინისტრაციულ ერთეულის მოსახლეობის საჭიროებებს, ასევე, მუნიციპალიტეტისთვის მნიშვნელოვან სხვადასხვა საკითხს. გარდა ამისა, სასიკეთო ძვრებისა და განხორციელებული სხვადასხვა პროექტების გამო მადლობა გადაუხადა იმ გუნდს, რომელსაც წარმოადგენს მუნიციპალიტეტის საკრებულოში.

ნინო მშვიდობაძემ აღნიშნა, რომ პრემიერ-მინისტრის ინიციატივით, პროგრამა „განახლებული რეგიონების“ ფარგლებში მუნიციპალიტეტში მასშტაბური სამუშაოები განხორციელდა. კერძოდ, დასრულდა ცენტრალური პარკის რეაბილიტაცია, სადაც გაკეთდა ბავშვთა გასართობი ადგილები. განახლდა 12 შენობა-ნაგებობის ფასადი. მიმდინარეობს ცენტრალური მაგისტრალიდან ქალაქში შემოსასვლელი კვანძის მიმდებარე ტერიტორიის მშენებლობა, რომლის დასრულება იგეგმება წლის ბოლომდე. ასევე, იგეგმება მეორე სკვერის რეაბილიტაცია და სხვა დამატებითი სამუშაოების ჩატარება.

საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე შეეხო გაზიფიცირების და წყალმომარაგების საკითხებს და აღნიშნა, რომ 12 ადმინისტრაციული ერთეული სრულიად გაზიფიცირებულია, დარჩენილია ოთხი ადმინისტრაციული ერთეული. ასევე, გაერთიანებული წყალმომარაგების დახმარებით 2021 წელს გამოცხადდა ტენდერი, რომლის პროექტი და სამშენებლო სამუშაოები მოიცავს 12 სოფელს. საერთო ჯამში დაიხარჯება 24 000 000 ლარი. სამუშაოები დასრულდება 2023 წლის აპრილისთვის, რის შემდეგაც 2000 მეტი ოჯახი უზრუნველყოფილი იქნება მაღალი სტანდარტის და სანიტარული ნორმებით გათვალისწინებული წყლით.

ასევე, სუფსაში დასრულდა იუსტიციის სახლის მშენებლობა. რეგიონში განსახორციელებელი პროექტების ფონდიდან ქალაქში ნინოშვილის, საფო მგელაძის და თავისუფლების ქუჩებზე მრავალბინიანი სახლების სახურავები შეიცვალა. აგრეთვე, იგეგმება გორგასლის ქუჩაზე მრავალ ბინიანი სახლის საძირკვლის გამაგრება. ქალაქის 8 ქუჩაზე (დუმბაძე, წმ. ნინო, გოგიჩაიშვილი, მარჯანიშვილი, გვარჯალაძე, კუპრეიშვილის შესახვევი, ჭავჭავაძის ქუჩა) დასრულდა გზის სარეაბილიტაციო სამუშაოები. ქალაქის დარჩენილი ქუჩების რეაბილიტაცია დაგეგმილია უახლოეს მომავალში.

აუცილებლად აღსანიშნავია ისიც, რომ მიმდინარეობს სოფ. ჩიბათიდან კოლხეთის ეროვნულ პარკში შესასვლელი გზის და მდინარე ფიჩორის სანაპიროზე ტურისტული ინფრასტრუქტურის სამშენებლო სამუშაოები. ასევე, სოფ. ორაგვეში გზის, 5 კმ ველობილიკის, გადმოსახედისა და 400 მ ზიპლაინის მოწყობა. ეს პროექტები მიზნად ისახავს გურიაში ტურიზმის განვითარების ხელშეწყობას, ახალი სამუშაო ადგილების შექმნას და რეგიონის უნიკალური ტურისტული მიმზიდველობის პოპულარიზაციას. 2022 წლის დაგეგმილი პროექტების ღირებულებაა: 11 894 404.88 ლარი.

ნინო მშვიდობაძემ ასევე ყურადღება გაამახვილა იმასთან დაკავშირებით, თუ რა პროექტები განხორციელდა 2021 წელს. კერძოდ: შიდა სასოფლო გზების რეაბილიტაცია, ამბულატორიების მშენებლობა და საჭირო ინვენტარით მოწყობა, 15 ადმინისტრაციულ ერთეულში სოფლის პროგრამის ფარგლებში გათვალისწინებული ინფრასტრუქტურული სამუშაოების ჩატარება, განხორციელდა დაზიანებული ხიდების სარეაბილიტაციო სამუშაოები, სტადიონის რეაბილიტაცია, ასევე, გასულ წელს დასრულდა გრანდიოზული პროექტი-ბავშვთა საფეხბურთო აკადემიის მშენებლობა, მისი საჭირო სპორტული და სხვა ინვენტარით აღჭურვა. აგრეთვე, საცხოვრებელი ბინების სახურავის შეცვლა, მდინარის კალაპოტის, ნაპირსამაგრის და სანიაღვრე არხების მოწყობა, სტიქიის შედეგად დაზიანებული გზების

სარეაბილიტაციო სამუშაოები, ცენტრალური მაგისტრალის გასწვრივ საფეხმავლო ბილიკების მოწყობა, ნამატი წყლის კოლექტორის მოწყობა. სულ 2021 წლის პროექტების ღირებულება შეადგენს 7 729 389.42 ლარს.

მან აგრეთვე აღნიშნა, რომ განათლებისა და მეცნიერების სამინისტრო სასკოლო ინფრასტრუქტურის განვითარების პროგრამას ახორციელებს, რომლის ფარგლებში 2012-დან 2022 წლამდე აშენდა 174, ხოლო სრული რეაბილიტაცია ჩაუტარდა 257 საჯარო სკოლას. 2026 წლისთვის ყველა საჯარო სკოლა უზრუნველყოფილი იქნება გამართული ინფრასტრუქტურითა და თანამედროვე სტანდარტების შესაბამისი ინვენტარით. სკოლები ადაპტირებული იქნება შშმ პირებისთვის, კეთილმოეწყობა კლას-კაბინეტები, საბუნებისმეტყველო საგნების ლაბორატორიები, ექიმის(ექთანის) კაბინეტები, სპორტული მოედნები და ეზოები.

ლანჩხუთის მუნიციპალიტეტში დასრულდა თანამედროვე სტანდარტების შესაბამისი მულტიპროფილური კოლეჯის მშენებლობა. პროფესიული განათლების მსურველები შეძლებენ ტურიზმის, სოფლის მეურნეობის, ინფორმაციული ტექნოლოგიების, ინჟინერიის, განათლებისა და მომსახურების სფეროს და სხვა პროფესიების დაუფლებას. მიმდინარე წელს მოხდება შესაბამისი კადრების შერჩევა-გადამზადება, ხოლო 2023 წლის იანვრიდან შეძლებენ სტუდენტების მიღებას. გარდა ამისა, მუნიციპალიტეტი აგრძელებს სკოლამდელი აღზრდის დაწესებულებების ინფრასტრუქტურის მოწესრიგებას. კმაყოფილდება თანამედროვე მოთხოვნების სტანდარტი. მუნიციპალური განვითარების ფონდის დაფინანსებით სუფსასა და ხაჯალიაში 100-100 ბავშვზე გათვლილი საბავშვო ბაღი შენდება და 2023-2024 სასწავლო წლისთვის აღსაზრდელები ახალ საბავშვო ბაღში გააგრძელებენ სწავლას. საერთო ჯამში ამ ბაღების მშენებლობაზე იხარჯება 8 200 000 ლარი. ნინო მშვიდობაძემ ასევე გააჟღერა ინფრამაცია იმის შესახებ, რომ აქვთ იდეა, რათა გვიმბალაურში აშენდეს 40 ბავშვზე გათვლილი საბავშვო ბაღი.

ნინო მშვიდობაძე ასევე შეეხო მუნიციპალიტეტის ჯანდაცვის პროგრამულ ნაწილში სიახლეებს და აღნიშნა, რომ ფრაქციის და კერძოდ, ელისო ჭიჭინაძის ინიცირებით შემუშავდა ონკოდაავადებულების PET/CT (პოზიტრონ ემისიური ტომოგრაფიის) კვლევის 20%-ით თანადაფინანსება. ამასთან, თხოვნით მიმართეს მუნიციპალიტეტის ხელმძღვანელობას, რომ გათვალისწინებული იქნას ფრაქციის ინიციატივა და 2023 წლისთვის თანადაფინანსება გაიზარდოს 30 %-მდე, მაგრამ ასევე, შეეცდებიან, რათა თანადაფინანსება გაიზარდოს 50 %-დე. მეორე სიახლეა ის, რომ ბიკარბონატული ჰემოდიალიზით-თირკმლის ქრონიკული უკმარისობით დაავადებულთა შესაბამისი პროცედურა ახლო მომავალში ბენეფიციარებს ჩაუტარდებათ ადგილზე, რეგიონული ჯანდაცვის ცენტრში.

საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილის თქმით, ასევე აქვთ იდეა, რომ ჯუნეწრის სკვერს მიენიჭოს დავით ბოლქვაძის სახელი, რომელიც დაიღუპა პროფესიული მოვალეობის შესრულების დროს და მინიჭებული აქვს ვახტანგ გორგასლის სახელობის მე-2 ხარისხის ორდენი.

მუნიციპალიტეტის საკრებულოს თავმჯდომარემ ბესიკ ტაბიძემ აღნიშნა, რომ არის ოთხი სოფლის მაჟორიტარი დეპუტატი, მესამე მოწვევის საკრებულოს წევრი და მეორე ვადით არჩეული საკრებულოს თავმჯდომარე. ყოველივე ამის გათვალისწინებით, მისთვის ძალიან კარგადაა ცნობილი იმ პრობლემების შესახებ, რაც მუნიციპალიტეტის მოსახლეობისთვის ძალიან მნიშვნელოვანია. აქედან გამომდინარე, აქტიურად მუშაობენ და ცდილობენ, რაც შეიძლება მეტი პრობლემა მოგვარდეს. მან ასევე აღნიშნა, რომ საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე ნინო მშვიდობაძე აქტიურად არის ჩართული საკრებულოს კომისიების და ფრაქციის მუშაობაში, სხდომებზე საუბრობს არამარტო გვიმბალაურის ადმინისტრაციული ერთეულში, არამედ მთლიანად მუნიციპალიტეტში არსებულ პრობლემებზე.

ნინო მშვიდლობაძემ მოსახლეობის სახელით მიმართა საკრებულოს თავმჯდომარეს იმასთან დაკავშირებით, რომ მოსაგვარებელია ტრანსპორტის მომსახურების საკითხი, რადგან იგი ოთხი საათის შემდეგ აღარ მოძრაობს. მათი თხოვნაა, რომ ტრანსპორტის მოძრაობის განრიგი მოერგოს სამუშაო საათს და მოსახლეობას მოემსახუროს 6 საათამდე. საკრებულოს თავმჯდომარის განმარტებით, მუნიციპალიტეტის მერთან ერთად ამ კუთხით მუშაობენ და ეტაპობრივად ეს პრობლემა იქნება მოგვარებული.

საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილემ ლოლიტა ურუშაძემ აღნიშნა, რომ ნინო მშვიდობაძე აქტიურადაა ჩართული საკრებულოს მუშაობაში, კომისიების და ფრაქციის სხდომებზე ინტენსიურად აშუქებს როგორც ადმინისტრაციულ ერთეულში არსებულ პრობლემებს, ასევე ყურადღებას ამახვილებს მუნიციპალიტეტის მოსახლეობის საჭიროებებზე. მისი თქმით, მიუხედავად იმისა, რომ მუნიციპალიტეტში ხორციელდება მრავალი ინფრასტრუქტურული, სოციალური თუ სხვადასხვა პროექტი, გასაკეთებელი მაინც ბევრია. ისინი მაქსიმალურად ცდილობენ, რომ მათი მუშაობის შედეგად გადაიჭრას მოსახლეობის პირველადი მოთხოვნის პრობლემები, მაგრამ მუნიციპალიტეტს არ აქვს იმდენი შესაძლებლობა, რომ საკუთარი სახსრებით მოაგვაროს ყველა მათგანი. თავის მხრივ, საკრებულოს თავმჯდომარე და მუნიციპალიტეტის მერი ყოველდღიურ რეჟიმში მუშაობენ და ცდილობენ შესაძლებლობიდან გამომდინარე მოსახლეობისთვის საკეთილდღეოდ გადაწყდეს ესა თუ ის საკითხი. რაც შეეხება მუნიციპალიტეტში შიდა ტრანსპორტის გადაადგილებას, ეს საკითხი ნამდვილად პრობლემატურია და დროულად უნდა მოგვარდეს. აუცილებელია, რომ ტრანსპორტის მოძრაობის განრიგი მორგებული იქნას მოსახლეობის საჭიროებებზე.

ადგილობრივმა მოსახლეობამ მადლობა გადაუხადა საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილეს თანადგომისა და ყურადღებისთვის. ნინო მშვიდობაძემ თავის მხრივ აღნიშნა, რომ როგორც საკრებულოს წევრი, ძალ-ღონეს არ დაიშურებს, რათა მისი სადეპუტატო უფლებამოსილების პერიოდში შეძლებისდაგვარად გადაწყდეს ყველა ის ინფრასტრუქტურული და სოციალური პრობლემა, რომელიც აწუხებს მუნიციპალიტეტის მოსახლეობას. აქტიურ მუშაობას გააგრძელებს, რათა მომდევნო წელი უფრო წარმატებული და ნაყოფიერი იყოს ადგილობრივი მოსახლეობისთვის.

პატივისცემით,

ნინო მშვიდლობაძე

ლანჩხუთის მუნიციპალიტეტის საკრებულო-საკრებულოს ფრაქცია „ქართული ოცნება-დემოკრატიული საქართველო“-საკრებულოს ფრაქცია „ქართული ოცნება-დემოკრატიული საქართველოს“ მოადგილე